

# ANA ITERANIBA TE BETEBEKE


ANA ITERANIBA TE BETEBEKE

RONGORONGO NI KAIRIIRI N TE AONO

## Karikirakean te Roro ae Rikirake

Unimwane Ian S. Ardern

Kauoman ni Kauntira, Beretitentii n Aonon Te Betebeke



Unimwane Ian S. Ardern

N te tai ae nako I ira te kaembwa ibukiia Kairake Ikawai aika a tuai iein i Tonga. Ikekei imatau, n Ootan moaningabongin te Kanimabong, a tekateka te mwaiti ae raka iaon nimabubua ana aomata te Uea aika kaba-nea n tamaroa. A mwaie, a anene, a uaia ni kukurei ni baika a karaoaki ao ni kakauongo nakon reirei aika a tamaroa i bon i marenaia ma aia tia kairiiri. Bon te kakukurei te bootaki ma ngaiia, n namakina raoiroia ao n ataia bwa a tekateka i matau tabeman man te Ekaretia, te komiuniti, ao taan kairiiri nakon te ingabong.

E mwaiti ae ti bukamarua ae tamaroa ae kakororaoaki irouia te Roro ae Rikirake aika ataeinimwane ao ataeinaine n te Betebeke. Mwaitia a mwakuri ni mitinare, a mare n te tempora ao ni beku n taian uoote ao mwaanga rinanon aaba n te Betebeke. Ao man noorakin tamaroa aikai, iai te marena ae tamaroa i marenaia ake a tiku n nene ni korakora ao ni kakanimaki nakon aia berita, ma ake a aki, ao anne oin te raraoma ae kaineti nakoira ni kabane.

Te Beretitentii n Ana Aono te Betebeke e wewete nakon te Roro ae Rikirake ni bon tararuai tamneia ibukin te maiu ae akea tokina. Akea te membwa n te roro aei ae na kona n anga te tabe aei nakon temanna riki. A na riai ni karekea kamaiuakin tamneia ae aki toki bon man reireinakia n te aro n tamnei are karekea karaoakin ao kawakinan berita ao ni iriiri mwakuri

ni kamarurung. Ana reirei Kristo ae ongeaba a karika te Tia Kamaiu bwa boton maiuia ao ni moanibwaia karaoakin are kakawaki riki. Te tataro ma te nano ni koaua ni katoa bong, warekan booki aika tabu, irakin Tieminari ao Intitute, irakin Taromauri, iai iroum kariaian te tempora ae ngkai, kabouakin berita ao te mwakuri ibukiia tabeman bon aikai tabeua man bwaai ake a kakawaki riki. Eng, n tatabemania n te Roro ae Rikirake a na riai ni karaoa tabeia ibukin marurungin tamneia man karaoan bwaai aika kakawaki riki.

Ni karika Kristo bwa boton maiura iai aua aanga ake a na buokira n nene ao ni kokoaua nakon te Euangkerio ae kaokaki. A raonaki ma butimwaeakim bwa kaain te Ekaretia. Te tai are ti

aki tabe nnanoia bon te tai are e moanaki iai ara berita. Kauoua, ti na uringnga bwa bon iai ana baire te Atua ibukiia Natina i aonaaba ao n tokina, ti na manga oki ni maeka ma Ngai teuana riki te tai. Ataakin riki te baire ni Kakukurei ae Korakora ao ngaira ti na kakoroa nanon raoi te baire. Kateniua, ti na riai n uringa aia mwakuri mitinare are kakoroa nanon rairakira nakon Kristo ao ni karikirakea ara onimaki Inanova. Ti kainanoa te rairaki raoi ni kaitarai kangaanga ake a na kaoti. Te kaaua e riai bwa ti na iein. Te Mare i marenan te mwaane ao te aine e a tia ni katabuaki iroun te Atua ao e aki tau bwa e na kamaunaaki.

Akea ae iangoaki bwa e na tiku n tii ngaia n te maiu aei ao te Atua

*Te Beretitentii n Ana  
Aono te Betebeke  
e wewete nakon te  
Roro ae Rikirake ni  
bon tararuai tamneia  
ibukin te maiu ae  
akea tokina.*



e a tia ni kataua bwa ngkana a kaoti kaangaanga e tauraoi te buoka. Te Roro ae Rikirake a kona ni karekea te buoka anne inanoia kaaro aika raoiroi, Nakoaibonga ao taan kaiiri ni bootaki ni buobuoki, ao raa aika buobuoki ake a anga aia buoka. N aekaia ni kabane membwa, a na karekea te buoka ae te kabanea n tamaroa are karekeaki man te katorobubua ni bubuti ibukin te ibuo buoki n tokanikai iaon kanganga ao kariiri are a kaitara ma ngaia. A na namakinna, n aron ae I namakinna ana kakairi te Tamnei are Raoiroi ni kairiai ao ni karaui nanoia inanon tain kaangaanga.

N tangirakin buokaia riki te Roro ae Rikirake, Unimwaane Christofferson e karoao te bubuti teuana ae onot bwa "Ikawai mwaane—kaaro, Ikawai aika tuai iein, taan kairiiri, taan reirei n te mweenga—a na riki bwa bwaai ni kakairi aika a itiaki ao ni buoka te Roro ae Rikirake n ataenimwane n riki bwa mwaane. Reireinia te aro ni iraorao ao rabakau riki tabeua: aron te marooro, aron te ikikina, ao te uaia ni buobuoki ma tabeman, aron te itoman ma aine ao ataeinaine, aron te beku, aron te kakamwakuri ao ni kaain bootaki ni kakukurei, n reiakina te bwai ae mamaten nanom man aki burababa iai, te aro ni kaeti kairua ao ni karoao ae raoiroi riki." Mwane n te Betebeke aika ikawai, ti butii ngkami ni kaeka te wewete aei mairoun ana burabeti te Atua.

E taekinna nako riki bwa "Katein te aine ae anai nano akea namakina nana ae korakora ke kaamwakurakina ae kakabwaia iai nakon are n te mweenga. Akea riki te tabo ibukin

tararuakin te Roro ae Rikirake nakon are bon rikian te utu, ike te karo ao te tina a uaia ni mwakuri ma te inanoia ni katauraoi ibukiia, n reireiniia, ao n karikirakeia natiai." E itiaki raoi, mweengen te LDS ae korakora bon te tabo ibukin karikirakeaia te Roro ae Rikirake.

Ti kaoia kaaro ni kabane ao taan kairiri ni kakoaua bwa ngkana a kaitibo ma kakaitara ao te kariiri akea man te Roro ae Rikirake ae na bua ao ko na raoniia n te bwai are a tangiria bwa a na tiku ni kokoaua nakon aia berita ao ni kamaiuia raoia aika tictionako. ■

#### ARA ITERANIBA

## Aika Itiaki A "Maono" ni Karaoa te Mwakuri

**Man Ana ruu ni kareke rongorongo Moomon**



ENA KAREKEAKI

*Kaain te Aro man mwengaia i Buota i Tarawa, Kiribati nakon te komiuniti ae arana Rootin te Kokona aika a iri n "Ana Bai Ni Buobuoki Mormon" te tai ni mwakuri.*

"**M**aono nanona ti karoao are tatangiria nanora," ni kaineti nakon Binoka Teburae, temanna mai buakoia taan buobuoki aika bat are e ibuobuoki nakon te komiuniti tienta n Okitobwa ae nako.

Ni moan taai ni ingabongin te Kaonobong, Aomata aika itiaki a mwananga man tabeua te raroa man mwengaia n te kawa ae Buota i Tarawa, Kiribati nakon te komiuniti ae arana Rootin te Kokona ni ira "Ana Bai ni



*Aia mwakuri ni buobuoki e waetata ao e bebete ma e karekea te kukurei ibukiia ni kabane ake a karaoia.*

Buobuoki Mormon” tain te mwakuri.

Te tabo ae 15 auti ni maeka n te kawa ae Bonriki.

E moanaki aia mwakuri n te tataro. A tibwaaki ngkanne nakon aua koraki ao a moana aia routeute ni katobibia te tabo n taromauri n te komiuniti. Karikirake ake tabeua n raonaki ma kaitiakan kaai te iaaki ao karenakoan maange. Ngke bobonga tinaniku ao a manga rinnako ao ni katikii kaintekateka ni kaotinakoi ao a karaoa raoi te kaitiaki ao taeakin te bubu.

Aia mwakuri ni buobuoki e waetata ao e bebete ma e karekea te kukurei ibukiia ni kabane ake a karaoia. Teuana te kakukurei bon te itamwao-mwao ma kaain te komiuniti ae Rootin te Kokona.

A matangare kaain te “Komiuniti” ngke e a bane te mwakuri. A rang kukurei ibukin tikiraoi rarikiia ao kaintekateka aika itiaki. A tae-kinaki taeka ni kakaitau mairovia membwa n te komiuniti ae Rootin te Kokona. ■

## Katabwenaan —aontano ni bukamaru ibukin te Titeiki Tienta ae Boou

**Man ana Ruu ni kareke rongorongo Moomon**

Te Titeiki tienta ae boou ae katabu-aki i Eita, Kiribati.

Taan kairiiri ai arona naba ma aobitia n te tauteaka, taan kareke rongorongo, membwa n te komiuniti ao taan tei man Craig Construction, Ltd (CCL) a ira te bukamaru ae kairaki iroon Banririe Nenebwati, te tia kairiiri i Tarawa.

Iotua Tune, te manatia n te tieweti tienta ibukin te Ekaretia, e karakina rongorongan te Ekaretia i Kiribati ae kimototo ao koro tamneiakin te Titeiki tienta ae boou.

“Te korotamnei ae kaokoro aei bon otinakon kanoan aia bowi Intinia n te Ekaretia, taan kateitei ao kaain te Titeiki i Kiribati ao n tia ni kamato-aki man te Beretitentii n te Aono ao Atuun te Ekaretia,” e taku.

E taku te Tia tei man te CCL bwa, “Ara boto ni iango tiaki ti katean te kateitei ae tamaroa ao ni matoatoa ibukin te Ekaretia i Kiribati, ma kateakiia kaain te aba n te aro are n te bong teuana e na reke irouria te rabakau ao te kona ni katei oin aia auti n taromauri.”

Banririe Nenebwati, e anga ana kakaitau ibukin te tabo ae boou, n



*Te titeiki tienta ae boou e katabuaki i Eita Kiribati.*

taku, "Te Titeiki tienta ae boou aio e kaota tian te onimaki ao korakoran te tamnei irouia aika itiaki i Kiribati ao e na aki ti kakabwaiaia membwa ma bon

kaain te komiuniti ao te aba ae bwanin. E na uota riki otan ana Euangkerio Iesu Kristo nakoia aomata are uota te tangira, te rau, ao te raoiroi." ■

bwa ngke e tabe ni uaati ana kunnikai ni baina ni katauraoi ibukin nakona nakon te tembora n te Katenibong, e a moanna n ruru aontano. Tiaki te ruru ae korakora, ngke e tei i tinaniku iaon te uteute. Te kakamwakuri ae karaurau e namakinaki. E uringa ana baeki ibukin bwain te tembora a mena kunnikaina inanona (ao ana recommend) bwa a mena iaon te kainiwene, bwa a tia ni bwaka nako aontano. E anai ao e katokai iaon te kainiwene ma e maan imwiina e a manga nori naba i aontano.

E ongo bwa iai temanna ae biri, ao ngke e taraia bwa natina te aine ae Mele, ae ai 8 ana namwakaina ni bikoukou, e biri nakon te tabo are rietaata riki. Te mwaane are tabe n akawa n te nama ni kaitarai aia auti e biri ni kaea te bike ao nakon te kawai, n tatakaruaea, "E A ROKO TE NAO! E A ROKO! TE NAO! BIRINAKO!"

E rairaki Amy ao e noora te oo te ran ae rietaata riki nakon te mai irarikin ana auti ae minomino man oma ni waetata nakoina. E nuu man roo te nao ao e taraa n ae iai matana n tara rikaaki bwa e na kana temanna! Te montita aio e bon rangi ni kakanaku tarakina! E anga akuuna nakon te montita ao ni kataia ni birinako. E noora te titeiki Beretitenti (ai mwanena) n ana turaki. E weteia bwa e na buokia, ma e aki kona n roko irouna. Ngkanne e a noora ana turaki ni kiba ao ni kebutuaki nako 100 te mita raroana ma ike e mena iai. E weteaki n te bwana, "TINAU, taninga!" E namakina tauakin baina te atai. Natina te mwane Anisi (Hans) e mena Ikekei. Ana taubai ma natina tii tabeua te teekan ngke e a rina naba ni bua.

## Te Aomata ae Kamiimi Kamaiuakina n te Tsunami 2009

Iroun Titita Darla Anderson

**E** mena te kawa ae Malaela tenibwi ma nimaua te maire raroana mai Apia, te kawa ae bubura. Temanna are kan nako ni mwananga nakon te taun e na mwananga tao n te aoa aua ke nimaua n te ingabong bwa e aonga ni moantaii n roko. Titita Upu Amy Purcell Latu bon te tia mwakuri n te Apia Samoa Temple. A na bong ni mwakuri te Katenibong ao te Kaabong inanon tain te ingabong. Neiei ma raoraona, Titita Molly


MacKay ao Titita Iuni Masefau a uaia ni mwananga n te bwati (e ka mwebuaka te mwananga) ke n oin baoia nakon te tembora.

N te kauabong, 29 Tebetembwa 2009, ai tibwa te tai ae uarereke imwiin itiua a.m. Ataein te reirei a kaman nakon aia reirei, ao a mwaiti aomata aika a nakon aia mwakuri i aon taian bwati nako Apia ni mwakuri. Mwaeiein aonteaba (8.3 Richter scale) e ioioa te aba ae Samoa. E taku Amy

E taku Amy, "I namakina ae kanga I tebo nako naano n te ran ae nano. Te miniti are imwiina I mena iaon tau-bukin te kai ae te fau. Baiu aika uaai a taui mwangangan kaai aika uakai. I aki kona ni uringa bwa I kaaki ikekei. I taraa naano n noori mwakorokoron te bwaa, taian tiin aika uruaki aika raun te auti." E katobibiaki ni bwaai ni kabane. Te fau ngaia ae katoki maa-nge, ao te taem e a buataki ni katobi-bia Neiei. E kona n noora ana turaki te titeiki Beretitenti n toka i taubukin kaai tabekai. E noria ngke e katika natina n toka i taubukin te turaki ma ngaia. E kona n ongo tangiia aomata ao tatakaruaia ni kan buokaki. A takaremwaremwa aomata n te ran. Ngke toki bwaron te nao, E a bwaka man te kai nakon te ran ae roro. E tia te ran i roroana.

E kubanako neiei, ma e a oki nanona, ngke e a noora natina te mwane bwa e maiu. E ikoaki atuna ao korakora rarana, ma e maiu. Te atibu ae bubura ke mwakoron te timanti ae ikoaki iai atuna ao e a bua ana ururing. Anne are e kaaki iai baina man bain tinana. Malelenga, natina te aine are ikawai, are biri nakon te kaini-wene are mena iai Joseph Ronaldo tibuna te mwane, are tabe ni matu. E bwabwakoia ao ni kataia ni kamaiua, ngaia ma Joseph ae uarereke a katikaki nako. Korakoran te nao e katika nako ae uarereke man bain tibuna. E aki kuneaki rabwatana ni karokoa nimaua te bong imwiina, i aan maange aika kakauatao are te nao ae urubwai aio e uotia nako Malaela.

Mele, natin Titita Latu ae waniua ana namwakaina ni bikoukou, e taku bwa man tinetinena n te nii ao



*Titita Upu Amy  
Purcell Latu  
ae maiu n te  
Tsunami 2009*

e a kamaiuaki. Ngke e a manga oki rikaaki taari nako marawa e noori bureburo ae otirake ao te iranatu ae ananau iaon tari. Ngke e taua boton te nii ni baina ni kamatoa, e

kanakoa baina te atai ao e katika te iranatu nakoina. Bon tarina te ikawai, Malelenga, tibun Joseph Ronaldo.

Te Titeiki Tienta ae tibwa kateaki i Malaela e tuai ni katabuaki. A tia ni

baireia bwa a na katabua n te Taabati imwin te Maungatabu ni Kabuta. Te kateitei ae karaoaki raoi e tei ni matoa ni kaitaraa korakoran te tsunami. Ma te maange man te nao e kaona nanon te auti. Bwaai ni kabane inanona a bon uruaki. Rekooti aika bongana, booki n reirei, tain baba ni koroboki, booki n anene, kombiuta, tain tamnei. Te moan waaki ni mwakuri e na moanaki man karikan taabo ni katantan ibukiia ake akea aia tabo. Uoote ake tabeua ana buokiia n rokoia ni buobuoki ni katei auti (fales). Karaoan uruaki manga kamanenan te titeiki tienta tiaki te bwai ae ienikuriaki.

Titita Amy Latu e a bon tia n rangi ni maaku bwa man buan kariaakana e nang aki kona ni manga mwakuri n te tembora. Beretitenti Hanks (te Beretitenti n te tembora) bwa taan mwakuri n te tembora ake a tia n oreaki n te nao bwa iai te kokoaua ibukiia n aia kakaonimaki are a na kona n nanoangaaki iai. E mwaiti aika bua kaain aia utu. E a bua mwengaia, aia kaa, kaubwaiia, kunikaia, kunikain te tembora, booki aika tabu, bwaai ni mwakuri bwaai ni kuuka, kariaiakaia ni mwananga, raitienti. E na bon maan ibukin taari ngkana e a bon raoi. Te koraki ake a bon mwioko I marawa ibukin maiuia a na bon manga kakaea te anga teuana ibukin maiuia.

N te Kanimabong, ngke e nang kaan toki ana tei, Titita Latu e ataia bwa ai ti 30 araia Titita aika taninga karoakin aia otenanti. Ma aia akea riki taan buobuoki ni karoa te mwakuri. E iranikuri n onea kuniaina n te aro bwa e kona n tei ibukiia. E taekinna Amy bwa e mena ieta, e taranako n ana iango nakoia

teningaun titita are e a tia n tei bukiia n tei ibukiia man tain mwaanga man te lau. E namakinna bwa a mena ikekei n tabekiarake ao ni katanna

man te kabuanibwai aei. E kakaitau Titita Latu ngkai e maiu ao ni kakaitau ibukin ana mwakuri n te Auti ae tabu Ana auti te Uea. ■

#### TA AI NI MITINARE

## Kakabwaiaki Neiei Ibukin Ana Mwakuri

Iroun Simone Lee

A aki toki aomata n atonga nakoiu bwa a na kakabwaiaki au utu ngkana I mwakuri ma te kakaonimaki bwa te mitinare ae bwanin ana tai. I kakoauai taeka ni kabane. E ngae n anne, e uarereke ae I ataia bwa teuana mai buakon kataakin te onimaki e mena i mwaiu.

I rairaki ao ni bwabetitoaki nakon te Ekaretia ngke 18 au ririki ni maiu. Tabeua ririki imwiina I namakina te kan nako ni mitinare. I tataro ao n tokina I karekea te kamatoaki ae aki kona n totokoaki bwa e eti aio; bwa aio te kawai Tamara are i Karawa e tangiria bwa N na karoaia. Teniuia te ririki imwiina I a roko iaon kawaiu.

-N te Moanibong teuana I motikia bwa N na imeeri nakon Tinau. I tuai n ongora irouna n te tai ae maan ao I kan ataia bwa e uara. E waetata ni kaeka n te tai anne are I a rang kukurei iai. Engae n anne, ao kukureiu e rairaki nakon te bwaranano. Au aonnaba e bobaraaki inanon tain teekan.

E a marurung Tinau man te are-koro ao e a toki ni kamanena ni kuri ni koro teniuia te ririki. Bon te tokanikai aio ae korakora ao I kakatonga irouna. I ataia n au iango bwa a na

bon iai te anga are e na toki iai ao e a tia n noria bwa ngaia e bon kona ni karoaia. Engae n anne kanakoan te iango aio I kataua ni kakoaua bwa e na manga aki riki aio bwa I a kata-beaki n Ana mwakuri te Uea bwa te mitinare ae bwanin ana tai.

A bitaki ni kabane ngke I wareka ana imeeri Tinau ni kunea bwa ngaia e a manga okira arona. I rootaki ao I tekateka irarikin te kombiuta n tang n aki kakarongoa. I aki kona ni kakoaua.

E bon koaua maaku are moan te kanganga. Tabebong i mwaina, I namakina ae I karietataaki, n tauraoi ni kabanea nikiran namwakainan au mition. Ao ngkai, I namakina te rawawata bwa e a toka iaou ao I a rabunaki nako i aan rawatana.

Au namakin nako a onikaki nakon te maraki n nano. Ao e kaineti nakon te Atua. Bon tiaki te mitinare ae koro-raoi ngai ma I namakinna bwa I kataia ao I taku bwa te Atua e na kakabwaiai ibukin au mwakuri. I bon tia ni kata au kona ae tamaroa. I tangiria n takarua, ao ni katautauai timoin baiu nako karawa ao n toki. I tangiria bwa N na toki ni mitinare. I namakina au



*Simone e mwakuri  
n te Kiribati Mition*

mwakuri bwa aki tau ao ngaia bukina ae riki aio. Ao e aera ngkanne bwa N na waaki nako? Tera nanona?

N te tairiki anne I kakaea kaka-bwaian te nakoanibonga. I kabwara-bwara are moan te nano, te namakin ae moan te korakora mai nanou nakon toau ao au tia kairiri n te mition. Ni kabane marakin nanou, au namakin ni bwaranano, karakon au kantaninga e nako ngke ti tekateka ni karibwabwa inanon aia tabo ni kuka ae uarereke/

aobiti. I anganaki te kakabwaia ao taian moan taeka aika taekinaki, “E tangiriko Tamam are i Karawa.”

Boni ngaia raoi are I kainanoia I namakina kitanki n tii ngai ao n ongo taeka aika uota te karaunano bwa E mena ikekei ao E ataa. Ngke I iangoa te namakin anne I ataia bwa a mwaiti aika mena ikekei nakon ae tii ngaira aman n te ruu n te tairiki anne.

N te bong are imwiina, I wareki ana taeka te anera are kaoti nakon

Aramwa, “Ko na kakabwaiai ngkoe Aramwa; ma ngaia ae, tabeka atum ao kimwareirei . . .” (Aramwa 8:14–15). I namakina te Uea be tangiria bwa N na tabeka atuu ao ni kimwareirei bwa bukina bwa I kakorakora kimwareirei! I iangoaki bwa N na kukurei.

I a moana koreakin tauan mwiin bwaai ni kabane ake I kukurei iai. Man bwaai aika uarereke nakon baika a bubura ni buokai bwa N na moan bwai n ataa ao ni butimwaei ana

kakabwaia te Atua ake a reitinako ni bwaro iaon atuu.

N te tai are I mimi bwa bukin tera te Atua e karaoa aei nakou engae n anne man ngkanne I a ataia bwa taian kataitai ao taian aoraki tiaki te maraia mairoun te Atua. Bon kaitarana. Bon te kakabwaia. Ngke I aki karekea te anga aei ibukin rikirakeu ao reireiaku N na bon tiku naba n arou are bon ngai ngkoa. Bon te tai n kaitiakaki ni uraraken te kanganga

ao I a tia n otirake ni bitaki-teutana riki te kukurei ao teutana riki te kakaonimaki.

I rang kukurei ibukin bwaai aika mwaiti. I kukurei bwa E buokai te Atua n rinanona ma te kakaonimaki nakon tokin au mition ao ni kukurei iai. I kukurei bwa E anganai taai aika mwaiti n rikirake ao n reiakina ao ni kaitiakaki. I rang kukurei i bukiia raraou ao au utu ni mweengau, ni kaan ao n raroa ake a tabekai ngke

I mamara ao are tabe ni karoao. I rang kukurei ibukin Tinau ao ibukin korakorana n aki bwara n nano n oin ana waaki. I kukurei ibukin Kristo. I kukurei bwa E uotai ngke I aki kona n nakonako ao E anganai te korakora ngke akea irou. I kukurei bwa E maiu te Atua ao bwa E ataira ni kabane. ■

*Simone e mwakuri n te Kiribati Mition man Nobembwa 2015–2017. E mena ngkai n te YSA moan uoote i Auckland.*

## AREA WEBSITES

The screenshot shows the Newsroom Pacific website. At the top, there's a navigation bar with links for Home, News Releases, Blog, Topics, Leadership, Facts and Statistics, Multimedia, and Contact. Below the navigation is a search bar. The main content area features a large image of three men in suits seated at a table, identified as President Russell M. Nelson and his counselors. A headline reads "New First Presidency Holds News Conference" with a subtext about the live message to members. There are also thumbnails for "Jesus Christ", "Russell M. Nelson Named 17th Church President", and "Modern Prophets and Continuing Revelation". Below this, there's a section titled "ADDITIONAL NEWS" with images of the Mormon Temple in Australia, a man speaking at a podium, and a woman in a white dress.

Newsroom – Australia: [www.mormonnewsroom.org.au](http://www.mormonnewsroom.org.au)

Newsroom – Pacific: [www.mormonnewsroom.org.nz](http://www.mormonnewsroom.org.nz)

Salle de Presse – Pacifique: [www.mormonmedia.org.pf](http://www.mormonmedia.org.pf)

## ITERANIBA N TE TABO

A m Iteraniba n te tabo e katau Araoaki irouia kaain te ekaretia n oin ami tabo iaan ana kaiiri te Beretitentii n te Aono bwa e aonga n taekinaki iai kainnanoia ao aia mwakuri kaain te ekaretia n te tabo ae ko maeka iai. Karinakin iteraniba n te tabo ni katoa baan te beeба ni kaongora e nakon tauraoi kanoana man te tabo. Ti kaoi ngkami bwa kam na tibwauai ami onimaki ni karikirakei iango ao mwakuri man kawaran am eteta n ami tabo n te:

[liahona-pacific@ldschurch.org](mailto:liahona-pacific@ldschurch.org) ■

